

Die 30 aprilis
S. Pii V, papæ

Natus est prope Alexandriam, in Italia, anno 1504. Inter Fratres Prædicatores adscriptus, theologiam docuit. Episcopus et cardinalis creatus, ad Petri cathedram evectus est anno 1566. Reformationem Ecclesiæ, a concilio Tridentino inceptam, strenue prosecutus est, propagationem fidei promovit et divinum cultum instauravit. Mortuus est die 1 maii anni 1572.

ORDO MISSÆ

Surgite.

✠ In nómine Patris, et Fílii, et Spíritus Sancti.

Amen.

Grátia Dómini nostri Iesu Christi,
et caritas Dei,
et communicatio Sancti Spíritus
sit cum ómnibus vobis.

Et cum spíritu tuo.

Fratres, agnoscámus peccáta nostra,
ut apti simus ad sacra mystéria celebránda.

Confiteor Deo omnipotenti et vobis, fratres,
quia peccavi nimis cogitatione, verbo, opere et
omissione: mea culpa, mea culpa, mea maxima
culpa. Ideo precor beátam Mariám semper
Vírginem, Angelos et Sanctos, et vos, fratres,
oráre pro me ad Dominum Deum nostrum.

Misereátur nostri omnípotens Deus et, dimíssis
peccátis nostris, perdúcat nos ad vitam
æténnam.

Amen.

Kýrie eléison.
Kýrie, eléison.

Christe, eléison.
Christe, eléison.

Kýrie, eléison.
Kýrie, eléison.

Orémus.

Deus, qui in Ecclesiá tua
beátum Pium papam ad fidem tuéndam
ac te dígnius coléndum próvidus excitásti,
da nobis, ipso intercedénte, vívida fide ac
fructuósa caritáte
mysteriórum tuórum esse partícipes.
Per Dóminum Nostrum Iesum Christum, Filium
Tuum, qui vivit et regnat in unitate Spiritus
Sancti, Deus, per Omnia sæcula sæculorum.

Amen.

Sedete.

Lectio et Psalmus

Surgite.

Sequéntia ✠ sancti Evangéllii secúndum...
(Iohannem, Lucam, Mathæum, Marcum)
Glória tibi, Dómine.

Evangélium

Verbum Domini.
Laus tibi, Christe.

Sedete.

Sermo

Benedíctus es, Dómine, Deus unívrsi,
quia de tua largitáte accévimus panem,

quem tibi offérimus,
fructum terræ et óperis mánuum hóminum:
ex quo nobis fiet panis vitæ.

Benedíctus Deus in sæcula.

Benedíctus es, Dómine, Deus univérsi,
quia de tua largitáte accépimus vinum,
quod tibi offérimus,
fructum vitis et óperis mánuum hóminum,
ex quo nobis fiet potus spiritalis.

Benedíctus Deus in sæcula.

Surgite.

Oráte, fratres:
ut meum ac vestrum sacrificium
acceptábile fiat apud Deum Patrem
omnipoténtem.

**Suscípiat Dóminus sacrificium de mánibus tuis
ad laudem et glóriam nóminis sui,
ad utilitátem quoque nostram
totiúsque Ecclésiæ suæ sanctæ.**

Súscipe, quæsumus, Dómine, hoc sacrificium
pópuli tui, ut, quod tibi in honóre beáti Pii
Quinti offéretur ad glóriam, nobis tríbuas ad
salútem perpétuam. Per Christum, Dominum
Nostrum.

Amen.

Dóminus vobíscum.

Et cum spíritu tuo.

Sursum corda.

Habémus ad Dóminum.

Grátias agámus Dómino Deo nostro.

Dignum et iustum est.

Vere dignum et iustum est,
æquum et salutáre,
nos tibi semper et ubíque grátias ágere:
Dómine, sancte Pater, omnípotens ætérne Deus:
per Christum Dóminum nostrum.
Quia sic tríbuis Ecclésiám tuam sancti Pii Quinti
festivitáte gaudére,
ut eam exémplo piæ conversatiónis corróbores,
verbo prædicatiónis erúdias,
gratáque tibi supplicatióne tueáris.
Et ídeo, cum Angelórum atque Sanctórum turba,
hymnum laudis tibi cánimus, sine fine dicéntes:

Sanctus, Sanctus, Sanctus Dóminus Deus
Sábaoth.

Pleni sunt cæli et terra glória tua.

Hosánna in excélsis.

Benedíctus qui venit in nómine Dómini.

Hosánna in excélsis.

Genuflectitur.

PREX EUCHARISTICA I *SEU* CANON ROMANUS

Te ígitur, clementíssime Pater,
per Iesum Christum, Fílium tuum, Dóminum
nostrum,
súpplices rogámus ac pétimus,
uti accépta hábeas

et benedícas ✠ hæc dona, hæc múnera,
hæc sancta sacrificia illibáta,

in primis, quæ tibi offérimus
pro Ecclésia tua sancta cathólica:
quam pacificáre, custodíre, adunáre
et régere dignéris toto orbe terrárum:
una cum fámulo tuo Papa nostro Francisco.
et Antístite nostro Iesu.
et ómnibus orthodoxis atque cathólicæ
et apostólicæ fidei cultóribus.

Meménto, Dómine,
famulorum famularumque tuorum *N.* et *N.*
et omnium circumstantium,
quorum tibi fides cognita est et nota devotio,
pro quibus tibi offerimus:
vel qui tibi offerunt hoc sacrificium laudis,
pro se suisque omnibus:
pro redemptione animarum suarum,
pro spe salutis et incolumitatis suae:
tibi que reddunt vota sua aeterno Deo, vivo et vero.

Communicantes,
et memoriam venerantes,
in primis gloriosae semper Virginis Mariae,
Genetricis Dei et Domini nostri Iesu Christi:
sed et beati Ioseph, eiusdem Virginis Sponsi,
et beatorum Apostolorum ac Martyrum tuorum,
Petri et Pauli, Andreae,
(Iacobi, Ioannis,
Thomae, Iacobi, Philippi,
Bartholomaei, Matthaei,
Simonis et Thaddaei:
Lini, Cleti, Clementis, Xysti,
Cornelii, Cypriani, Laurentii, Chrysogoni,
Ioannis et Pauli, Cosmae et Damiani)
et omnium Sanctorum tuorum;
quorum meritis precibusque concede,
ut in omnibus protectionis tuae muniamur auxilio.

Hanc igitur oblationem servitutis nostrae,
sed et cunctae familiae tuae,
quaesumus, Dómine, ut placatus accipias:
diisque nostros in tua pace disponas,
atque ab aeterna damnatione nos eripi
et in electorum tuorum iubeas grege numerari.

Quam oblationem tu, Deus, in omnibus,
quaesumus,
benedictam, adscriptam, ratam,
rationabilem, acceptabilemque facere digneris:
ut nobis Corpus et Sanguis fiat dilectissimi Filii tui,
Domini nostri Iesu Christi.

Qui, pridie quam pateretur,
accepit panem in sanctas ac venerabiles manus
suas,

et elevatis oculis in caelum
ad te Deum Patrem suum omnipotentem,
tibi gratias agens benedixit,
fregit,
deditque discipulis suis, dicens:

**Accipite et manducate ex hoc
omnes:
Hoc est enim Corpus meum,
quod pro vobis tradetur.**

Simili modo, postquam cenatum est,
accipiens et hunc praeclarum calicem
in sanctas ac venerabiles manus suas,
item tibi gratias agens benedixit,
deditque discipulis suis, dicens:

**Accipite et bibite ex eo omnes:
Hic est enim calix Sanguinis mei
novi et aeterni testamenti,
qui pro vobis et pro multis
effundetur
in remissionem peccatorum.
Hoc facite in meam
commemorationem.**

Mysterium fidei.
Surgite.

**Mortem tuam annuntiamus, Dómine,
et tuam resurrectionem confitemur, donec
venias.**

Unde et memores, Dómine,
nos servi tui,
sed et plebs tua sancta,
eiusdem Christi, Filii tui, Domini nostri,
tam beatae passionis,
necnon et ab inferis resurrectionis,
sed et in caelos gloriosae ascensionis:
offerimus praeclarae maiestati tuae
de tuis donis ac datis

hóstiam puram,
hóstiam sanctam,
hóstiam immaculátam,
Panem sanctum vitæ æternæ
et Cálicem salutis perpétuæ.

Supra quæ propítio ac seréno vultu
respícere dignéris:
et accépta habére,
sicuti accépta habére dignátus es
múnera púeri tui iusti Abel,
et sacrificium Patriárchæ nostri Abrahæ,
et quod tibi óbtulit summus sacérdos tuus
Melchisedech,
sanctum sacrificium, immaculátam hóstiam.

Súpplīces te rogámus, omnípotens Deus:
iube hæc perférri per manus sancti Angeli tui
in sublíme altáre tuum,
in conspéctu divínæ maiestátis tuæ;
ut, quotquot ex hac altáris participatióne
sacrosánctum Fíllii tui Corpus et Sánguinem
sumpsérimus,
omni benedictióne cælésti et grátia repleámur.

Meménto étiam, Dómine,
famulórum famularúmque tuárum *N. et N.*,
qui nos præcessérunt cum signo fidei,
et dórmiunt in somno pacis.

Ipsis, Dómine, et ómnibus in Christo
quiescéntibus,
locum refrigerii, lucis et pacis,
ut indúlgeas, deprecámur.

Nobis quoque peccatóribus fámulis tuis,
de multitudīne miseratiónum tuárum sperántibus,
partem áliquam et societátem donáre dignéris
cum tuis sanctis Apóstolis et Martýribus:
cum Ioánne, Stéphano,
Matthía, Bárnaba,
(Ignátio, Alexándro,
Marcellíno, Petro,
Felicítate, Perpétua,
Agatha, Lúcia,
Agnéte, Cæcília, Anastásia)
et ómnibus Sanctis tuis:

intra quorum nos consórtium,
non æstimátor mériti, sed véniaæ,
quæsumus, largítor admítte.

Per Christum Dóminum nostrum.

Per quem hæc ómnia, Dómine,
semper bona creas, sanctíficas, vivíficas,
benedícis,
et præstas nobis.

Per ipsum, et cum ipso, et in ipso,
est tibi Deo Patri omnipoténti,
in unitáte Spíritus Sancti,
omnis honor et glória
per ómnia sæcula sæculórum.

Amen.

Præcéptis salutáribus móniti,
et divína institutióne formáti,
audémus dicere:

Pater noster,
qui es in caelis:
sanctificétur nomen tuum;
advéniat regnum tuum;
fiat volúntas tua,
sicut in caelo, et in terra.
**Panem nostrum cotidiánum da nobis hódie;
et dimítte nobis débíta nostra,
sicut et nos dimíttimus debítóribus nostris;
et ne nos indúcas in tentatiónem;
sed líbera nos a malo.**

Libera nos, quæsumus, Dómine, ab ómnibus
malis,
da propítius pacem in diébus nostris,
ut, ope misericórdiæ tuæ adiúti,
et a peccáto simus semper líberi
et ab omni perturbatióne secúri:
exspectántes beátam spem
et advéntum Salvatóris nostri Iesu Christi.

**Quia tuum est regnum,
et potéstas,
et glória in sæcula.**

Dómine Iesu Christe,
qui dixisti Apóstolis tuis:
Pacem relínquo vobis,
pacem meam do vobis:
ne respicias peccáta nostra,
sed fidem Ecclésiæ tuæ;
eámque secúndum voluntátem tuam
pacificáre et coadunáre dignéris.

Qui vivis et regnas in sæcula sæculórum.

Amen.

Pax Dómini sit semper vobíscum.

Et cum spíritu tuo.

Offérte vobis pacem.

Agnus Dei, qui tollis peccáta mundi: miserére
nobis.

**Agnus Dei, qui tollis peccáta mundi: miserére
nobis.**

**Agnus Dei, qui tollis peccáta mundi: dona nobis
pacem.**

Genuflectitur.

Ecce Agnus Dei,
ecce qui tollit peccáta mundi.
Beáti qui ad cenam Agni vocáti sunt.

**Dómine, non sum dignus,
ut intres sub téctum meum,
sed tantum dic verbo,
et sanábitur ánima mea.**

Corpus Christi.

Amen.

Orémus.

Surgite.

Sacraménta quæ súmpsimus, Dómine Deus
noster, in nobis fóveant caritátis ardórem, quo
beátus Pius veheménter accénsus pro Ecclésia tua
se iúgiter impendébat. Per Christum, Dominum
Nostrum.

Amen.

Dóminus vobíscum.

Et cum spíritu tuo.

Benedícat vos omnipotens Deus,
Pater, et Fílius, ✠ et Spíritus Sanctus.

Amen.

Ite, missa est.

Deo grátias.